

摘藻堂四庫全書薈要

史部

欽定四庫全書薈要

史部

硃批諭旨卷一百二十五之七

詳校官編修臣繆晉



欽定四庫全書薈要卷八千二十九

史部

硃批諭旨卷一百二十五之七

硃批鄂爾泰奏摺

雍正六年五月二十一日雲貴總督臣鄂爾泰謹

奏為恭謝

聖恩事雍正六年五月十三日臣齋摺家奴蒙

恩賞給驛馬齋回

御賜臣六安茶二瓶抵滇臣隨郊迎至署恭設香案望

闕叩頭謝

恩祇領訖伏念臣職任封疆無能報稱時多錯悞致塵

聖懷既捫心而自慚亦對人而滋懼乃復仰荷

聖慈矜全備至寬臣之過愆勉臣以慎重身非草木何

以自安惟當痛自貶懲益加奮惕凜遵善後為要

得人為主之

寶訓時時事事敬體誠求已耳為此繕摺恭謝

聖恩伏乞

聖主睿鑒臣謹

奏

覽卿奏謝知道了

同日又

奏為恭報黔省豆麥收成數仰祈

睿鑒事竊照各省二麥收成豐歉理合

奏報前行據雲南布政使張允隨呈報滇省豆麥因
上冬雨雪滋養各屬收成均有九分十分且豆粒

大而麥穗長較之往年實為加倍臣業經具

奏今據貴州布政使赫勝額詳稱各屬地方自春入
夏雨澤時沛民間布種油菜豆麥雜糧等項惟開
州畢節縣二處據報收成六分都勻石阡二府定
番廣順普安三州又普安都勻印江永從錦屏永
寧等六縣據報收成七分其餘各府州縣俱報十
分及八九分收成等情臣復察訪無異所有黔省
豆麥收成緣由合再

奏報至滇省入夏以來迤西地方雨水霑足高低田
土禾苗俱已栽插迤東一帶因未得大雨不能存
水故低田皆已栽插高田半未布秧至五月初九
日迎請

福滇益農龍神二像到省臣率同屬僚恭迎供奉畢
隨於初十日為始齋戒七日虔誠瞻禮每日得雨
數寸及十五六等日甘霖大沛各處俱已霑足是
雨澤不致愆期秋成可以預卜皆我

皇上誠敬格

天感召惟嚮之所致也合併

奏明仰祈

聖主睿鑒臣謹

奏

深慰朕懷卿總督雲貴兩省雨暘時若朕可保也

天道至理朕實信得及但朕若不能盡君之道卿亦無可奈何也期共勉之敬之

同日又

奏為報明清出影射等項田土仰祈

睿鑒事竊臣自到任後即遵

旨通行各屬勸民開墾荒田荒地清丈欺隱田土分別
陞科輸賦并抵屯軍丁銀因清丈一事未便於民
而地方各官遂藉以誣卸臣再四思維若不清查
必多隱匿若概丈量必致滋擾故行文各屬遍示
鄉村以隱匿田地則遭衙蠹里役之科派無敢聲

言受豪紳劣衿之需索有難伸訴其實能養家入
已者正復無幾且一經官府查出應追歷年所收
籽粒田土入官更應治罪若果能遵示首報准寬
已往給照輸糧永為子孫長久之業除正賦外計
所餘剩已多倘仍前隱匿并許旁人首報即將田
土給與首報之人通行曉諭而遠近民夷皆知有
利無害始據各屬陸續申詳首報開墾欺隱并清
丈出田土為數甚多除前已經

奏報外今又據陸涼平夷阿迷蒙自蒙化保山大姚
廣西寧州等府州縣申報民間自首欺隱荒熟田
地共二十四萬二千一畝五分零昆明易門永北
元謀永昌楚雄定遠宜良石屏通海晉寧鄧川蒙
化保山開化麗江安寧晉寧南寧彌勒寧州新平
元江雲龍永昌永平等府州縣申報勸民開墾荒
熟民屯田地共九萬二千三百二十三畝零蒙自
浪穹賓川鎮沅景東等府州縣申報清丈出新增

影射荒熟民屯田地共八萬八百七十七畝四分
零以上三項通共田地四十一萬五千二百二畝
零按上中下科則不等共該秋糧夏稅米麥三千
六百九十六石九斗零條編銀二千七百二十七
兩二分零又據陸涼建水寧州大姚安寧等州縣
查出抵補軍丁田地一萬二千六百八十五畝五
分零該科夏稅秋糧米麥六百三十九石七升二
合條編穀折銀四百二十八兩六錢零係應抵補

屯軍丁銀之數除現在分別入冊給照或彙并
奏銷或分案

題報外其餘現在清查應陸續具報至收捐開墾之
項除東川府屬原多荒蕪先令招佃領銀墾種餘
恐借名開荒即將隱匿成熟之田充數致有冒領
工費等弊所以暫且從緩當俟首報查丈既清其
實在拋荒者勘明頃畝召佃發銀方無朦混再各
衙門官莊馬廠等項已令藩司糧道逐細清查另

行具報所有清丈自首開墾田地四十餘萬畝數

目合先繕摺

奏明伏乞

聖主睿鑒臣謹

奏

是當之極嘉悅覽之

同日又

奏為奏

聞事雍正六年五月十六日准署貴州撫臣祖秉圭咨

稱貴州布政使赫勝額因前署任查報老婦案內

奉

旨革職提問查藩司衙門關係通省錢糧未便一日乏
員料理今按察使張廣泗現經委令化誨生苗貴
東貴西二道缺員現係知府護理其餘知府各有
差委不便委護所有布政司印務黔省並無可委
之員雖部文尚未准到事關緊要合先咨商請煩

遴委滇省司道一員令其馳赴貴州暫署布政司
事庶錢糧重務不致貽悞等因到臣隨經委雲南

按察司趙宏本前往署理雲南按察司印務暫委
糧道元展成署理牌行咨覆在案臣查黎平都勻

鎮遠一帶生苗近日聞風嚮化皆思內附專候臣

委員到日相率投誠機會不可失張廣泗自無庸
復緩再清水江直通楚省船路尤屬要務臣又密

囑趙宏本令將凱里一帶地方應設防汛處確查

速報以便預辦今趙宏本已於本月二十一起
程赴黔合將委署緣由繕摺奏

聞伏乞

聖主睿鑒

臣謹

奏

委趙宏本往黔是當之極張廣泗已擢用貴州巡撫此
奏到又有旨命沈廷正仍在黔署理俾張廣泗得以從
容辦理成此美事似此破格任事之人如此破格擢用

如阿克敦常賚因循欺隱之輩亦即棄而不用方可以革除積習不然悞國計民生莫有甚於此二弊者

同日又

奏為報明勦擒米貼逆賊首惡已獲餘黨將盡事竊照米貼猱賊聚眾拒捕傷害官兵臣委總兵官張耀祖等統領滇黔二省官兵分為三路進勦并咨川省督撫提諸臣調兵會擒據張耀祖等呈報破

聖殺賊情形經臣兩次

奏報在案接准部咨欽奉

上諭烏蒙鎮雄等處猺夷不法已經勦撫今因該地方
查拏祿永孝之妻又有匪類餘黨私自嘯聚抗拒官
兵現在用兵擒拏四川建昌永寧等處亦派兵堵截
據楊天縱祖秉圭岳鍾琪憲德黃廷桂等具奏前來
所有用兵事宜俱著鄂爾泰節制調度其四川建昌
永寧等處之兵亦聽鄂爾泰節制調度欽此移咨到
臣隨即移行欽遵去後四月二十六等日據張耀

祖呈據遊擊卜萬年等報稱四月初四夜至井底
奎劉營猱賊即來刦營自半夜以至天明皆被兵
丁鎗礮打退賊衆退守門坎山劉營四座初五初
六兩日職等攻奎猱賊數千守險擣石滾木如雨
我兵不得上奎初七日辰時猱賊率衆呐喊從門
坎山蜂擁前來拒敵當令弁兵堵禦門坎山右邊
衝口職等率領官兵攀藤附葛追殺賊衆入箐兵
半渡河賊衆拚命拒敵官兵齊上鎗礮俱發打傷

猱賊數十各棄攆牌而逃滾岩死者不計其數奔
入門坎山關放滾木擂石弩箭職等率官兵奮勇
直上搶至頭層岩復搶至二層岩時已申刻適叅
將哈元生從後而入已登至上豎其坐鎗官兵兩
下會合分兵夾攻打死賊衆無數賊方奔入箐內
據哈元生報稱卑職由右路領官兵前進四月初
四日抵會溪劄營有四川敘馬營阿興土千戶安
永長報稱陸氏住井底他起意的頭目叫毛臉固

咱水牛母雞捫車軌里領兵殺人的叫屋基母機
離朱黑鐵目魁女女阿六擯租現住吞都與土千
戶德昌議事德昌幫兵四枝去殺官兵德昌手下
領兵殺人頭目叫黑際石巴扯一別固么兒木戛
今阿六擯租領夷人劄在溪落渡口德昌統衆邀
約去里密吞姑列土舍等過河來阿媽太醫地方
同米貼人會飲血酒齊心煎燉毒藥貯附近營盤
溪水內人馬飲之即死卑職初五日抵賊境大茅

灘初六在大險壘遙望對山老虎寨係吞都壘門
坎山要路連夜差弁兵上寨堵禦初七辰時抵蛇
腰馬吞都門坎山等壘觀其山形兇惡夷賊望見
即欲抵敵卑職隨收官兵分為三路攻打夷賊抵
敵不住潰敗我兵奮勇爭先殺賊首數顆其餘四
散滾箐投江不計其數又於申時分攻打門坎山
賊見我兵勢重亦各逃散陣獲夷賊二名正在搜
捕值遊擊卜萬年等攻打上壘會合收兵提訊陣

獲夷賊梁嘉楷供係德昌之主文因德昌幫兵勸阻不依特來投奔陸氏已同賊首立之戶吞頭目人等逃往牛角落寨去了又問丁進忠供係陸氏厨子訊陸氏下落供與梁嘉楷同卑職查吞都地方之土司德昌乃川省所屬敢與所管巴布夷裸盡幫助陸氏殺官奪印正在分撥官兵擒拏忽有把守五險壘把總劉寬飛報五險壘夷賊與官兵對敵卑職親帶弁兵前往攻打從辰至未牢不可

破隨出奇兵抄此要路砍伐箐樹透其光亮用礮攻打連發二十餘礮卑職督兵從山腰衝斷方至山頂夷賊滾箐官兵獲至拏獲陸氏之女么姑娘卑職日破三至各官兵無恙漢夷無不鼓舞初八九兩日帶兵搜箐擒獲拒敵夷獍共二十五名查係吞都井底逆夷即在吞都正法係米貼逆夷解往米貼正法有婦人男娃共一百二十七名口查半係陸氏奴婢半係德昌部夷妻奴即賞給有

功官弁為奴等情又據鶴麗鎮驗報據遊擊曹元文報稱帶領官兵於四月十四日自井底起營由小路搜勦沙址一帶行至拉香寨見有賊蹤分頭追擒放鎗打死猓賊二十餘名帶傷滾箬者不計其數活擒男婦四名口又據哈元生報據守備馬秉倫報稱四月初九日行至設以脈箬口見有險壘猓賊於壘上施放擂石令官兵由壘後攻打開礮打死猓賊三名又用礮攻開壘柵官兵直上鎗

打死猱賊十數名其餘帶傷滾箐次日進箐追蹤
至大石河坎水深石大猱賊堵有石木排柵隨用
礮攻開打死猱賊七名餘俱走箐十二日過大石
河四五里遇賊在夾谷之內身背攬牌吶喊堵禦
兩山施放擂石我兵齊進礮打死猱賊六七名鎗
打死十七名餘逃深箐我兵陣亡二名帶箭傷六
名石傷二名夷兵陣亡一名帶傷九名有江邊義
子到營投誠稟屋基母機已逃過江躲避暮故癡

寨本職隨發兵前往擒拏三省官兵原係會勦今
我兵深入川界四五日程途川兵並不知消息已
飛移永寧協移營至吞都檄調建武等營官兵赴
井底會勦等情又據該鎮報據遊擊曹元文等報
稱職等搜箐四月二十日至巴上後箐見竹木叢
雜微有腳蹤密令兵丁砍竹而行又爬陡岩攀藤
而上忽於密林擁出猱賊二百餘人執鎗放弩我
兵用連環排鎗打死猱賊三十餘名餘賊跳岩而

走我兵亦跳岩直趕砍死三十餘名又鎗傷七十餘名生擒六名拏獲大小男女二十三名口內砍死一名係指撥衆賊者隨令夷婦識認係務基母機之弟務基母紐是陸氏管軍頭人將首懸示本職於吞都同哈元生擒獲殺傷官兵兼又拒敵猱賊斬過九名行至井底劄營差人圍躡捉獲猱賊十七名當又斬首懸示將搜箐解到六名並陸續擒獲猱賊六名又威寧鎮自烏蒙盤獲解回猱賊

一名共十三名押赴殺傷官兵原處斬示又據把
總陳瑞等稟稱搜至猴坐壘有猓賊四五百人把
住陡岩無路可上令鎗手在下施放作爬岩之狀
把總等攀藤遶道而上至壘放礮猓賊跑竄我兵
魚貫而上鎗傷刀砍者一百多人墜岩死者二三
十人生擒賊首務基母甲井底蔑所搜出大燾二
面各路官兵自進勦至今斬殺猓賊一千餘名各
箐各路傷斃者無數等情又據該鎮報稱訪得賊

首母舉者呂奔舉阿固卽毛臉逃往羊泥箐內羊
泥之弟阿母及實心効力曾獲猓賊多人故令把
守要路遣弁兵搜箐母舉者呂并背陸氏頭入野
鷄固跨者博烹居帶猓賊九名婦女孩子五十三
名口從羊泥箐逃出母舉者呂被羊泥兄弟打中
一弩把總胡朝相等趕上會合將母舉者呂并一
千賊犯擒獲奔舉阿固帶猓賊十名逃至羊泥寨
羊泥欲誘入寨擒拏此賊抽刀砍傷羊泥脇上被

羊泥所帶埋伏之人用亂鎗扎死并將隨帶猓賊
殺傷又據哈元生報稱據土千戶安永長驗報四
月十九日有賊經過隘口率夷兵堵截招安隨獲
夷猓男婦大小共一百四十五名口又一夥抗不
服招率兵堵勦殺死猓賊一十八名撲水淹死者
甚多擒獲五名并男婦娃子共六十一名另行解
審等情又自四月二十四日至二十五日官兵伏
路搜箐共拏解猓賊七十七名本職審訊俱係各

賊首項下夷兵又監禁之內有應正法裸賊六名
俱傷害官兵之逆賊於二十六日委遊擊曹元文
等押至殺傷官兵原處斬示內有三名審係殺傷
官兵極其兇惡郭副將子郭邦興郭邦棟稟懇手
刃祭奠其父訖至五月十四日又據該鎮報稱五
月初一日據阿母及到行營稟稱有賊首水牛母
雞於初一日五更到夷人支歪那租家要糧食被
我驪著綑拏追問陸氏下落說在硐裏藏著隨帶

人同去陸氏果在碇中隨帶賊四五名被我上前
捉獲二名滾箐三名陸氏跟前還有女人三口我
將陸氏并隨行婦女一並拏獲四山伏路官兵聞
喊趕到已將陸氏等交給官兵等語隨據曹元文
等將犯婦陸氏賊首水牛母雞等解至行營收禁
俟差員起解等情據永寧協副將張瑛先後呈報
查得井底夷目黑鐵勿箕女女等領夷兵四百前
去相殺奉檄行調卑協帶領官兵於四月二十日

抵雷波箐口派兵三百名前往噶哈百足會合建
昌沈許二遊擊又兵一百名由虎跳那比二處沿
江接應卑協移兵於江干溪落渡口駐劄會合建
昌一路官兵搜捕又驗報官兵至阿路寨擒拏賊
目阿路賓苴捉獲夷賊紫果一名過渡口地方有
阿媽太醫并吞都土舍確里密吞姑力等乃陸氏
親戚應派兵堵剿又聞雷波土司地方有陸氏餘
黨潛匿已責令擒獻以自明如不從即雷波亦屬

逆黨乘此會兵勦除又據哈元生報稱惡賊立之
戶吞并德昌逃於半個山壘官兵礮路已可打至
賊巢此壘不日可破又賊首務基母機已逃過江
川省黃螂司所管那古壩地方有猓獠擺渡招呼
猓賊過河應著黃螂司擒獻等情各到臣該臣查
得川屬涼山地方緊連米貼延袤千餘里原甚荒
野向多夷賊從未覩兵威吞都沙馬雷波黃螂等
各土司又俱陸氏姻親一帶土夷川省鞭長不及

故米貼猥賊恃有黨援敢於蠢動吞都土司德昌
即幫兵助惡謀逆顯著是德昌一犯實此案之渠
魁而雷波等土司隱匿逆賊不行拏解亦難姑寬
若不乘此大加懲創然後示以撫恤恐此滇蜀交
界終難寧帖今傷害官兵之賊或擒或勦業已將
盡滇黔兩省官兵俱至川界臣現檄令軍前各官
務將半個山至攻開擒獲德昌等各賊一并解省
審擬以彰

國憲並行永寧協副將張瑛嚴督各土司將賊擒獻

如敢抗違即會兵擒剿以圖靖謐至於臣身受

殊恩職膺重寄並不能謀出萬全先事預料以致上厯

聖慮下滋口實雖復仰仗

天威羣兇屠滅內顧自慚實惶悚無地茲奉到前摺敬
有伺可慚悚幅員之廣屬員之衆焉能

處處事事得人而用之屬員之是非即卿等之是非如

誦

卿等之是非即朕之是非也何能辭其責至於功過平
硃批朕前見各處奏報恐烏蒙全處變動甚為憂念今
衡朕可保分毫不爽非計過忘功之主也似此小疵不
覽此奏方少慰但聞其巢穴甚屬險峻派往官兵不

必介意但亦不可輕肆隨事敬慎用人則是矣
可迫令進取相機度勢而行可也朕原屢次有諭新

定地方善後為要善後之策得人為主郭壽域朕未
見其人想必一敢勇武夫如何委用如此要任大不
是了欽此臣有何辭惟當凜遵

慈訓小心慎重相機度勢無論屬滇屬川務期竭蹶料
理詳籌善後不敢少有疎忽少有推諉以圖一勞
永逸已耳除俟續報到日繕疏具

題外所有已獲首惡陸氏等及餘黨勦擒將盡情由

合先

奏報伏乞

聖主睿鑒臣謹

奏

欣悅覽之陸氏米貼之事朕未料如此完結之速在事
官兵可嘉之至題到朕自有恩旨再雷波等助惡不法
土司德昌等據岳鍾琪憲德黃廷桂一一奏聞必當剿
除已有旨著提督黃廷桂親往調度相機剿撫矣雲貴

兵弁卿可訓示伊等協力同心以成此一勞永逸之功也專候捷報

同日又

奏為據實奏

聞事竊臣前報米貼摺內荷蒙

硃批聞譚盛元回到烏蒙同衆兵大罵耿觀謨聲言郭壽域之陷皆伊等害之之語其中情節所當詳察者

欽此臣查副將郭壽域將領兵前往米貼恐不悉

路徑向署府耿覲謨要熟諳夷地之人耿覲謨曾

委漢把謝天昇隨往郭壽域諸凡信用及至陸氏
潛逃勾連江外猺夷乘夜劫營官兵被害而謝天
昇全身回烏馬匹行李無失若非與賊熟識何以
至此故千總譚盛元等回兵抵烏時聲言官兵之
陷害皆謝天昇之串通謝天昇之串通即耿覲謨
之指使齊至府衙將天昇擒縛立欲殺死因耿覲
謨呵斥其無禮衆益不平時所調威寧鎮官兵已

到烏蒙經遊擊顏文選排解遂靜候伸理臣據威
寧總兵孫士魁報到隨經札覆并密令總兵張耀
祖叅將哈元生詳細查報續據覆稟無異臣看耿
觀謨平日才具老練辦事謹慎從不敢孟浪乖張
以致決裂故前於烏蒙初定暫委署理府事然人
甚蒼滑觀望推諉處則事所必有若謂造意設謀
欲陷郭壽域倘烏蒙全處變動耿觀謨亦豈能倖
斷無此理此顯而易見者前恐別有事故若止此則譚
免此理此顯而易見者前恐別有事故若止此則譚
論免此理此顯而易見者前恐別有事故若止此則譚
情免此理此顯而易見者前恐別有事故若止此則譚
似免此理此顯而易見者前恐別有事故若止此則譚
未免此理此顯而易見者前恐別有事故若止此則譚
可免此理此顯而易見者前恐別有事故若止此則譚
盡免此理此顯而易見者前恐別有事故若止此則譚
信免此理此顯而易見者前恐別有事故若止此則譚
況免此理此顯而易見者前恐別有事故若止此則譚
凡免此理此顯而易見者前恐別有事故若止此則譚
事免此理此顯而易見者前恐別有事故若止此則譚
自免此理此顯而易見者前恐別有事故若止此則譚
有免此理此顯而易見者前恐別有事故若止此則譚
官免此理此顯而易見者前恐別有事故若止此則譚
法免此理此顯而易見者前恐別有事故若止此則譚
兵免此理此顯而易見者前恐別有事故若止此則譚
丁免此理此顯而易見者前恐別有事故若止此則譚

盛元

驕悍之習

欲自掩其醜

亦不可漸長

然矣候事畢當理甚是

且現在用兵

又未便先審

此事以滋惶惑

是以臣暫置不問

惟密令將謝天

昇及前所獲一二漢姦等監禁看守候事定審訊

今米貼皆已掃靖新調烏蒙知府陸世宣不日到

任應俟陸世宣任事後即當檄調耿覲謨譚盛元

及兵丁頭目并提謝天昇等犯來省逐一親訊以

定曲直如果耿覲謨謀陷情實立當據實

題叅治以重罪即或以署事之員不久離任諸事毫

不關切亦當分別參究設或譚盛元等因為賊所
暗謀欲自掩其醜藉此竦聽臣當詳細奏

聞斟酌處分合先繕摺覆

奏伏乞

聖主睿鑒臣謹

奏

覽

同日又

奏為報明五年分辦獲銅息仰祈

睿鑒事竊查雍正四年分除銅課額銀九千六百二十
餘兩外辦獲餘息銀四萬五千八百二十餘兩零
較之三年分餘息銀僅多不及三萬今雍正五年
分銅廠課息例應於六年五月內

奏銷臣查該年分各廠辦獲銅四百一萬三千餘觔

除銅課額銀一萬八百餘兩再扣還原本廠費并
供鑄耗銅外實應獲息銀一十四萬七千三百餘

兩又此項銅觔係按

奏銷定例每百觔價銀九兩二錢合算今運吳楚銅
觔賣銀十三兩內除正價九兩二錢并腳價銀三
兩外每百觔仍有節省銀八錢又應獲銀二萬餘
兩是五年分所辦之銅課額餘息約共可獲銀十
八萬兩現在核造細冊具

題送部而運發吳楚餘銀應俟變價回日另行報銷
再總理廠務並無額給公費惟請領工本係庫平

而收買銅觔則用尋常市平每百兩約餘銀一兩

零歷來以此為官役公費今據總理廠務糧儲道

元展成報明五年分約有平頭銀三千兩查銅廠

既旺用人更多是以仍循舊例留為總理廠務一

切費用至於各處各廠大小不一條例各別頭緒

甚多稽查匪易臣莅滇二年以來既深悉其中情

事不敢以巡撫專政稍有觀望而總理元展成實

聞得此人

甚好

心實力絲毫無欺且才具足以幹濟故得漸次調

劑少覩成效此固視天年亦視人力在得人不在
立法衰旺多寡皆未可以自然為定例者也合併陳明
伏乞

聖主睿鑒臣謹

奏

覽

雍正六年六月十二日雲貴總督臣鄂爾泰謹

奏為恭謝

聖恩事雍正六年五月二十九日臣齋摺家奴蒙

恩賞給驛馬齋回

御賜臣祕製各種丹錠二匣人參筭二匣雨前六安藥

尖二瓶雨前六安梅片二瓶抵滇臣隨郊迎至署

恭設香案望

闕叩頭謝

恩祇領訖敬啟摺扣荷蒙

硃批朕安卿好麼今歲三四月各省多患時證幸皆數

日即愈總未傷人比戶如此都中内外人等大槩未
有不病之人京中自四月初五六至二十五六全解
矣此二十天内更換而病大奇事也朕為此甚是焦
煩而惟朕一人不病精神如常恐卿有所聞繫念特
書諭令卿放心特諭欽此竊今歲三四月以來聞湖
廣多時證初患大頭瘟繼變瘡或變痢隨復痊可
續漸及河南漸及直隸自四月末旬以至五月貴
州亦多時證由鎮遠府以至安順府普安州止少

有不病之人今已漸次減退祇雲南一省無多病人而廣東運錢差回聞粵省亦大槩不免至都中

並多時證臣近始聞知然各省春熟大半豐收即此妄傳之言直隸得雨少遲聞二麥已皆登場此固寒暑搏擊

恐秋令雨水過多耳然近日光景

氣候傳染之所致事所時有不為怪異伏念我

上天已賜全恩似可無慮矣初閏五月間江浙少雨近聞

聖主覆載為懷萬物並育雖日理萬幾惟行所無事而

亦皆霑足江西似覺愆期亦尚未奏聞甘肅雨江稍有

中外遠邇凡疾苦痛癢何一不上塵

一二處電災其他省今歲春秋皆蒙浩蕩

天心在

天恩

朕實慶幸焉

聖躬安和精神旺健

臣

所能自信而

慮周萬有動觸焦煩亦臣所深知若或有一時一事不
繫念我

慈父豈復有人心者臣有敢放心處竊謂知

天知

聖有不敢放心處實係至性至情茲跪誦

御心如此不必覽奏而朕已洞曉者

硃諭不勝忻忭不勝感切不禁涕洟之沾襟也為此繕

摺恭謝

聖恩伏乞

聖主睿鑒再雲南新定之鎮沅府於二三月內獨攬
夷一種多得暴病不一二日畢命內有見劉洪度
憤擊喊叫而斃者有見劉洪度怒罵驚悸而斃者
據土人咸稱此皆叛案夥從漏網之人良懦夷民
總無傷損厥後並知府衙內吏役人等亦每見劉

洪度現形因此合郡人民於景東府延請僧道建
醮七日懺悔超度在城文武亦同赴瞻禮從此遂

雖屬

不經乃理氣必有之事應借此為立祠以表其忠

亦可以神道設教頑夷復平靜雖事屬不經而理有可驗合併奏

聞臣謹

奏

覽

同日又

奏為欽奉

聖諭備陳愚知事竊臣前具首兇就擒外域效命摺內

荷蒙

硃批嘉悅覽之此役如此完結順速出朕望外在事官
兵破格効力矣但聞該地方煙瘴甚盛向後應如何
料理也欽此查車里等處地方雖素稱煙瘴然聞煙
瘴所聚大率皆密林深箐低窪蒸濕之區其高敞
平濶處所則半無煙瘴即有亦甚輕如思茅猛旺
整董小猛養小猛崙六大茶山以及橄欖壩九龍
江各處原俱有微瘴猶未若元江府之甚現在漢
民商客來往貿易並不以為害且應設官駐兵處

如此

所又並非密林深箐低窪蒸濕之區煙瘴之說似好極矣

無足慮亦向來傳言之過也今渠魁刀正彥已獲

惡首麻布朋等盡縛即前逃脫之要犯熊老二及
克者老二父子等近據稟報亦皆或擒或斬地方
平靖夷民皆願內附而車里宣慰司刀金寶自知
年幼不能約束業經具呈情願將江內各版納歸
流官管轄其田土肥饒其人民蕃庶現據查造已
不下數萬戶口而銀廠鹽井少加調劑即足充俸

有何可講

餉及此設官安營以圖久遠實滇省大局所關似無庸再計至應設文武官兵府州營汛皆宜預先

定議庶得從容料理

臣

詳查地方形勢普洱居中

鎮沅恩樂威遠居普洱之右在西北一帶車里所屬十二版纳并六大茶山居普洱之左在東南一帶擬將普洱改為府治設普洱知府一員經歷一員扼要總理將普威營改為普鎮協設副將一員中軍都司一員守備二員千總六員把總十員馬

步兵丁共二千二百名副將一員帶千把四員兵

丁五百名駐劄普洱與知府同城并分防通關哨

甚是妥協

俾左右兼顧可以舉重馭輕思茅地方居民稠密

地土寬濶為九龍江橄欖壩六茶山之咽喉但緊

連普洱僅百餘里擬將普洱通判移駐思茅設巡

檢一員安千總一員帶兵二百名與通判同城以

聯聲勢橄欖壩地方南接蒙緬東連蟒子老撾諸

國為全郡之門戶最關緊要擬立州治設知州一

員吏目一員安都司一員千把二員兵丁五百名
與知州同城并分防慢達江以資巡守九龍江安
千總一員帶兵一百名駐劄防汛倚邦攸樂猛烏
三處各安把總一員各帶兵五十名駐劄防汛鎮
沅府安守備一員把總一員帶兵三百名與知府
同城駐劄分汛防守威遠安守備一員千把三員
帶兵三百五十名與同知同城駐劄分汛防守恩
樂縣安把總一員帶兵一百名與知縣同城駐劄

亦皆

甚好兵數得中甚合聯意

分汛防守以上共合官弁二十員兵丁二千二百

名之數除普威營現有守備二員千把共十二員
兵丁一千四百名外應添副將一員都司一員千
總二員把總二員馬步兵丁八百名查元江一協
額設副將一員守備一員千總二員把總四員馬
步兵丁一千名原以兼轄普威鎮沅并控制車里
等處之故自另設普威營後元江汛地已減去十
之五六今既議設普鎮協則元江協自應議裁千

把兵丁亦應議減臣擬於元江地方酌留把總三員馬步兵丁六百名就近撥入臨元鎮標不須另設將備即令該鎮左右兩營遊擊輪流駐防一年一換庶彼此交代更可免懈弛其所裁元江協副將即調補新設之普鎮協副將所裁兩千一把兵丁四百名總撥入普鎮協計尚少都司一員把總一員兵丁四百名除都司一缺揀選

題補把總一缺考拔添補外其不足兵四百名查提

標四營額設兵四千名內係馬兵一千名戰兵三千內並無守兵緣從前於五營內分設大理城守一營僅撥出守兵一千名全留馬戰兵存標故不但與各鎮協營馬一步九戰守各半之制不合即較之督標馬二步八戰六守四之制亦尚屬浮多今擬將提標比照督標以馬二步八戰六守四核算所餘錢糧儘足補此四百兵缺數並無庸議添其餘應設巡檢鹽大使并各處應分撥小汛統俟

者除

非癡呆人耳

查明妥議於具疏時是當之極觀此而不生歡喜心詳敘此擬設立協府安官駐

兵之大槩也至於新闢之地首重得人敬記

聖主若不得其人寧緩事以待必預備有人方可舉行
不然好事亦被釀成妄舉之

寶訓時時凜體深知其難所有元江副將缺臣已遵

旨請以叅將哈元生補授此何消說得人可以濟事都司一缺臣

查雲南城守營守備王先明白強幹識字解事前
經委往長寨近調攻法夏俱能了當擬即以王先

請補授新設都司好可以稱職其裁缺之普威營叅

將元江協守備二員俱應另用臣看守備孔繩聖

人係中材宜酌量調補叅將邱名揚好的才具甚可用

堪任要地查新營營叅將一缺最關緊要該叅將

曹登雲雖復勤謹實少才幹現因患病臣已據詳

題請准其休致所出員缺請即以邱名揚甚是補用洵屬

人地相宜至新設府州二官尤宜慎選滇省賢員

內現多居要任未便移調臣再四籌思難得其人

查鎮沅府知府佟世廕辦事敏練人亦老成雖鎮沅同屬要地現在諸務就緒夷兵安堵但得一廉介勤慎之員即可資撫恤擬請以佟世廕調補新設知府所遺鎮沅府缺請以同知管黑鹽井提舉司高培陞補黑鹽井提舉司缺請以陸涼州知州祖良範調補似均可以勝任好新設知州一缺查有丁憂留滇候補知州郭倫才守兼優人復平正相應懇請

聖恩破格出知州亦不為破格具題來補授新設知州俟服滿之日再准論俸或兩

無違礙除俟委員查勘造報到日臣再詳細定議

分疏具

題聽候部議外合先具摺恭請

全是題到旨

聖裁再前摺內有奉

硃批郝玉麟前奏只帶弁兵二百餘人行走踏勘甚屬輕率朕已批諭矣向後凡大員巡查新定地方務以持重為要可諭令屬員知之欽此欽遵除敬錄齎示

郝玉麟欽遵外臣當切諭屬員向後務各持重以

仰體

是聖慈至老過亦當聽其情願不必强者仰見

聖人舉事動合自然臣當每事凜體不敢少存意見查

外域輸誠原難以強致近自擒刀正彥後不獨老

過一國即孟良整邁等諸夷長皆有內附之意情

見乎詞而蟒國强大與緬國等昨據稟報蟒國差

土目二人到車里將刀正彥前所呈送蟒王禮物

盡數繳回云不知刀正彥不是宣慰應交給宣慰
刀金寶等語據此蟒國即無內附之意亦殊具恭
順之誠來與不來皆於邊疆有益但該鎮協等識
見不廣首以貢例為詞不合大體轉恐因此反致
遲疑臣已詳細密囑惟應示之寬大不必更及其
他大約秋冬間始有的信合併奏

聞統乞

聖主睿鑒

批示遵行臣謹

奏

嘉悅覽之

同日又

奏為報明酌撤滇黔進剿米貼官兵并川省蠻夷不法會兵擒剿事竊照剿擒米貼逆賊首惡已獲餘黨將盡情由臣於五月二十一日具摺

奏明旋又據報拏獲賊首立之戶吞等并川省各土

司不將賊擒獻反縱蠻夷拒捕殺兵咨行會兵擒

勦亦經具疏

此番進勦官兵可嘉可愛之至已有旨從優議敘矣其
此題報在案六月初一日又據鶴麗鎮總兵張耀祖呈
中破格効力者卿當重加賞賜越例題陞以鼓舞之
報據叅將哈元生呈稱守備馬秉倫帶兵往半箇

山一帶搜箐遇賊對敵遊擊卜萬年帶兵前往堵

截因山形高峭攀援無路鎗礮亦不能攻到當令

官兵扼其險要後令嚮導漢夷把目喊叫開導散

其黨羽隨招出設以脈頭人黑際等三名到營訊

供是土司德昌的百姓又誘出巴補牛落等六名
細訊德昌蹤跡咸供不知隨一面穩住使彼不防
一面勘的山勢惟右邊岩嘴僅可容十餘人攀援
率兵爬至岩嘴見賊第一道排柵進路窄險又有
關門岩攔住彼高我低鎗礮難到只得令把總等
領兵躡後山路徑搭梯而上卜萬年帶官兵奮勇
前進搶至第一道排柵夷賊拒敵矢石如雨率兵
開打鎗礮復搶至二層排柵有後山官兵亦攀援

搶上後面山梁兩下正在夾攻遊擊康世顯守備
馬似龍各帶官兵亦同攀援從後山而上接應放
礮打死猱賊多人跌岩死者不計其數卜萬年復
率兵搶抵三十六道岩梯猱賊自知不能逃生俱
在壘跪喊饒命情願投誠隨誘出大小夷賊一百
五十五名婦女一百四十六口并摘取弩弓長標
橫刀恐尚有岩孔藏匿黨賊又令細查搜出交鎗
大旗號褂戰鼓銅鑼等項有右協兵丁認得是副

將郭壽域及兵丁隨帶軍器卑職查解報獾賊攔
酒等三十七名逐加詳訊刼營殺官情由俱認不
諱並喚川土司德昌主文梁嘉楷認識據供都是
當日跟隨德昌過米貼殺官之人應請正法刑審
德昌下落據供從箐尾用索吊下逃去止有他叔
子名叫阿虛住安土司所管地方就往他叔子家
去了也定不得等語本職隨檄令哈元生將半箇
山奎解到獾賊攔酒等三十七名斬示家口分賞

官兵等情又據永寧協副將張瑛驗報據阿興土
千戶安永長報稱於落甕口石岩擒獲賊蠻阿鉄
一名係吞都頭目那里胞弟婦人大小男女哇子
共八名口交叅將哈元生收審檄派遊擊王谷宰
等帶官兵五百餘員名前往門坎山阿興吞都等
處駐劄會擒卑協帶兵八百名內令守備高哲等
分兵四百名前往吞姑力雷波等處會捕卑協帶
四百名駐劄溪落渡分遣搜捕等情又准四川提

督臣黃廷桂咨准建昌鎮咨遊擊沈國卿帶兵四

百名前進洗米鍋把守江口遊擊許連科帶兵六
百名駐劄沙罵地方以待兩處應援又據叅將哈
元生報稱卜萬年等帶兵搜至沙包子羊岩聖望
見百十餘人在聖上劄排柵三四十處竟有對敵
之勢隨令捕獲巴補喊叫據云是四川安文二土
司家百姓除非二土司到纔下來又令喊叫可知
德昌往那裏去彼各藏身不應不肯招出應行攻

取隨咨永寧協嚴飭各員帶兵速赴會剿准四川
提標遊擊王谷宰等各領兵抵會溪安土司處駐
劄將擒獲阿虛留營跟究德昌蹤跡移會到職六
月初三日又據哈元生報稱捉獲已補內有一小
子名叫奔迭據稱我去揀柴見德昌在樹下掣手
刨一土坑後又抓土蓋著不曉得是甚東西第二
日德昌就不見了隨遣把總邵士奇帶奔迭引路
前往挖出土千戶印信一顆存俟旋師面交副將

郭壽域所失印信尚未追出搜獲猓婦一口係門

口川保之妻名喚特麻據供門口川保往江那邊

姐夫卑租家去躲藏印是門口紐紐拏著隨咨永

寧協即著雷波土司嚴拏卑租獻出二犯勒追印

信一併解報又准四川提督黃廷桂咨據永寧協

驗報分派官兵於下江上江一帶搜捕兇賊因雷

波土司楊明義所屬部落三千七百餘戶內多因

親納叛中懷二意隨將該土司調至行營勒要黨

惡明義竟自潛逃且縱部落容納兇首所當剿除

查該土司地方遼濶懇將木坪瓦寺金川沃日等

土兵再調一二千名由我邊一路至太平整駐劄

等候如楊明義將賊獻出尚可寬容倘抗不解獻

即一併掃除等因又據哈元生報准遊擊王谷宰

卜萬年康世顯等聯銜咨開羊岩壘夷賊聚集負

險分遣官兵堵截壘之前後帶守備馬似龍并千

把總由中壘直上賊衆擣石弩箭如雨官兵鎗礮

齊發打死賊衆數十滾岩死者不計其數千把姚宅中等領漢土兵丁扳援直上懸岩百十餘丈連奪三處排柵斬獲打死賊人數十畢赤營兵一名被擂石傷手四川把總李仕榮被賊箭傷口脣率三省官兵連夜冒險攻擊我兵於五月十七日寅時齊上連砍排柵數十餘處開奪險寨賊衆大敗擒獲男女多人隨令酌留賊犯二三名一併起解其餘逐加刑審供招係千米貼剗營并又拒敵者

一併即在彼地正法訖德昌等數賊俱在川地深
藏應聽川員就近擒解吞都壘須兵彈壓茲川省
遊擊王谷宰已帶兵二百名前來合守備師翰正
之兵三百名駐劄防範米貼一帶聽張總鎮酌留
官兵彈壓逃過江之賊可計日就縛無用我兵守
候請中右二路漢土官兵一併撤回等情臣隨檄
令張耀祖酌派裁調烏鎮官兵駐米貼防禦餘俱
撤回去後六月初五日據張耀祖報稱米貼逆賊

擒斬已盡惟助逆川土司德昌及屋基母機等逃匿彼界已飭永寧協副將著落跟獻德昌派漢土官兵一千名於噶哈百足會擒屋基母機兼飭令雷波沙罵土司協助擒拏米貼一帶地方已平軍務告竣應即酌撤官兵吞都地方本職同哈元生移咨永寧協調撥官兵五百名駐劄哈元生已領滇黔官兵回至米貼本職會同酌議吞都既駐川兵可以彈壓米貼應駐官兵今留威寧兵四百名

左右兩協兵五百名內令遊擊康世顯帶兵四百

名駐劄米貼守備馬似龍帶兵三百駐劄屋基不

時由箐後至井底門坎山與川省吞都官兵會哨

巡查江岸井底壘安十總一員帶兵一百與川兵

聲勢聯絡再令把總一員兵一百名於女不奎駐

劄則米貼烏蒙官兵亦軍聲絡繹糧運不悞本職

帶領官兵於五月二十六日自米貼撤師回省其

餘官兵令陸續起程撤回等情又准四川提督黃

廷桂咨會遊擊許連科等已各帶兵進剿噶哈及
慕故癡寨擒拏屋基母機等賊首又據張瑛呈稱
雷波司楊明義不遵調度致夷獮肆行傷害制兵
行文勒獻兇首雖據伊母沙氏稟覆擒拏並未解
到俟獲德昌後再會兵剿除各等情到臣該臣查
得米貼逆賊自四月初旬起至五月中止擒剿已
盡犯婦陸氏等業據解省飭發按察司收審未獲
者僅川省助惡土司德昌等數賊逃頓各土司所

轄地方臣現移洛川省督撫提諸臣飭令川員會

兵勦擒俟獲日即解交滇黔駐劄官兵轉解勿使
兔脫總兵張耀祖於五月二十六日自米貼撤師
回省其餘官兵亦陸續撤回米貼之軍務已經告
竣惟是米貼原議駐兵三百名止足彈壓本地而
井底一壘與川省之吞都壘相連應請增兵二百
名添防井底壘並沿江一帶渡口所添兵丁餉乾
等銀即以改撥兩協兵丁餘剩銀兩內動給庶更

覺嚴密臣現在另疏具

題請

旨再吞都臺實屬夷數并請

將此奏情節可知會總督岳鍾琪

敕下川督提諸臣於吞都臺添設一營駐兵六百名分

撥塘汛接連馬湖等營以通聲勢至涼山冕山抵

建昌一路野夷獷悍終為邊界憂其間作何安營

設汛之處應聽川督臣商酌措置所有酌撤滇黔

官兵并令川員會兵擒剿不法蠻夷緣由合再具

摺奏

聞仰祈

聖主睿鑒施行臣謹

奏

實可慶可喜之事也前據川省督撫所奏不似如此易
於完結者朕恐滇省官兵日久遠入川界糧餉費力深
為繫念今覽此奏如釋重負何快如之已有旨矣

同日又

奏為據實奏

聞事竊_臣於五年六月前赴安籠會辦土苗事宜訪知

廣西夷目半多兇頑內有思陵州鄧橫等寨渠魁

王興運等以大竹環門深塘遶寨器械畢備自衛

甚固差役不敢窺探官兵莫能拘捕截路擄掠橫

行刦殺肆惡尤甚因安籠總兵官蔡成貴曾任粵

省叅將經備細詢問伊言之甚詳并送歷年刦殺

案冊一本_臣隨向原任撫_臣韓良輔面商土酋兇

目原不能盡除亦無盡除之理乘此泗城改流加
意整頓但將最惡最強如鄧橫寨王興運者剪除
一二則其餘不勞而自定韓良輔亦以為然云當
料理續臣訪聞粵省曾勒兵招撫著令填塘伐竹
盡繳軍器而鄧橫等寨支吾搪塞依舊不悛凡屬
渠魁俱已潛避止令婦人女子將廢壞鎗刀呈繳
數十件而文武官司惟取其甘結遂爾畢事至六
年三月二十九日據貴州安籠鎮總兵官蔡成貴

呈報准廣西提督田峻咨兇目顏光色顏光東盤
前田峻奏聞舉行此事朕即恐其料理未必妥協況無
踞於西隆州之八達寨不服有司拘喚近又勾結
臣又係阿克敦乎此田峻一面奏聞一面知
岑顛岑扭大肆擄掠除檄行思恩泗城二協安隆
會孔毓珣之事
上隆等營調撥官兵擒捕外移會撥兵堵禦緣由

臣隨照會該鎮并行雲南廣南營各調撥弁兵前
往西隆州附近要隘堵禦協力擒拏在案而廣西
撫提並未有公文咨會到臣茲聞粵省所委總統
提標遊擊常顯虎帶漢土兵三千餘名前赴西隆

所以不得其人諸事不可舉也駐劄以光目鎗礮交加遲疑觀望始而欲撫繼而欲勦延挨兩月止攻破周邦附和之一小寨等獲

案犯岑顛一人而顏光色等小覷官兵竟遣其子顏光應先赴營盤詐稱投順常顯虎深信不疑撥兵同惡子前往化誨而光色等又復揚言逃遁些蓬寨內及至搜擒杳無蹤跡此蓋狡設緩兵之計以便築礮臺掘陷坑插枯籤圍鹿角等事整頓齊備以逸待勞五月十三等日官兵攻打弄高寨被

該寨殺傷兵丁又乘夜剗營殺傷土兵十一名帶

傷者十餘名似此兇惡固難一日姑容者也今六

月初三日又據總兵蔡成貴呈稱准兩廣總督孔

毓珣照會該惡目椎牛飲血聚衆猖獗更有大礮

六門交鳥鎗數百將八達茅草房屋盡行拆毀修

所以兵貴神速以此容作準備則用力數倍矣做排柵築起礮臺拒敵已行思恩協左右江鎮撥

添官兵親行統領相機勦擒應再堵禦等情臣復

照會該鎮並行廣南文武添撥弁兵協擒堵禦在

案又六月初八日准四川提督臣黃廷桂咨准陝

督臣岳鍾琪咨稱喇汝窩逆番屢行狂悖去年整

兵進剿業已底定今為日無幾復有餘孽了馬車

岳鍾

琪已奏聞矣

竟敢搶刦煽誘冀逞故智已照會建昌鎮派撥漢

土官兵檄委洮岷協副將王剛一併統領前往擒

剿請發兵防堵等因臣立即照會永北鎮酌撥官

兵於喇汝窩相通要路各山口嚴加防堵并協力

擒拏外合並奏

聞伏乞

聖主睿鑒臣謹

奏

覽

同日又

奏為請

旨事竊烏蒙叛案內有革職土司祿鼎坤者係土府祿
萬鍾之親叔向居魯甸本係渠魁當臣調遣官兵

進勦烏蒙時先令東川府知府黃士傑前往化誨
祿鼎坤卽帶領二子及魯甸頭目等到索橋江邊
投見黃士傑加以獎賞毫無疑慮隨至東川見曲
尋鎮總兵官劉起元給以外委守備准其立功折
罪及臣親抵東川祿鼎坤在者海汛接見跟至東
城臣面加獎賞亦准効力錄用給牌令其同遊擊
張霍前往烏蒙化導祿萬鍾母子歸順鼎坤凜遵
同往因主文劉建隆范掌案等抗頑反遣沙六等

督兵刼殺魯甸鼎坤親率土兵攻擊敗走而劉建隆等又帶領祿萬鍾母子逃往大關鼎坤自備口糧督領土兵三千直搥鎮雄之脅使其首尾莫顧是以萬鍾等計窮勢迫投奔川營且招撫烏蒙頭目五十餘人各目部屬百姓數千戶俱赴劉起元行營投誠報明有案在祿鼎坤悔罪抒誠功實足錄前審招時臣因鼎坤素行兇悍恐仍留魯甸致貽後患所以

題請照新定之例發往江寧安插迨米貼陸氏等勾
通川猱殺害官兵鼎坤聞信復具呈願將妻子搬
移省城為質調率土兵親往擒逆伊妻子等現俱
到省雖陸氏等旋已就擒臣亦未准鼎坤前往然
觀其實心努力較怙惡不悛之土司大有不同若
不予以寬典無以示信羣夷相應仰懇

聖恩特降

俞旨免其遠徙臣當將伊同家口安插雲南省城并令

在臣標効力行走以便鈐束再同案之白頗阿業亦隨鼎坤到江邊投誠黃士傑恐地方空虛令回烏蒙管轄後陳明哲等抗違拒敵阿業領伊母命曾率土兵血戰破圍此亦有功之夷人因其兄祿白坡係叛案重犯緣坐應流并請免其發遣以廣皇仁可否俯准伏祈

聖主睿鑒

批示遵行臣謹

奏

所奏甚是祿鼎坤之遠徙原與朕意未洽只為卿另有
意見在滇有不便處所以未曾諭及今留滇不但示信
羣夷將來或尚有得力處可恩養之伊近日之功足可
抵當年之過也已有旨諭部

同日又

奏為覆奏酌均公件耗羨遵

旨寬裕留給以廣

聖恩事竊惟滇省賦少事繁一切公事向俱派民間辦
應經前撫臣楊名時飭令各屬照糧均派隨徵完
納名曰公件其實有不均未能畫一臣因令各屬
造冊呈送逐一細核將通省糧條稅秋耗羨及核
定公件并三井節禮等項除去各屬留辦公事並
酌給各員養廉銀兩以及省中各項公費應需銀
兩外尚節省銀四萬兩經具摺

奏請荷蒙

硃批料理其屬妥協大槩川省亦然近者岳鍾琪請將一切雜派供給盡行裁革只存加三火耗均與通省屬員為養廉百姓亦甚樂從料理雖是妥協但加三猶須核酌所以於恩減浙省錢糧之諭旨內亦曾畧帶數句滇省如此籌畫可謂盡善但各員養廉似少不足從前此事原係揚名時沽名釣譽之舉不計可行與否暫沽一時之名而又縱容屬員設法巧取置之不問以取悅於屬員令感其寬厚毫無實心惠民

之處乃大巧大詐之作用耳今既如此只得就此公
平料理也將此諭與楊名時朱綱看欽此又公費養
廉摺內荷蒙

硃批但此歸公四萬未知做何用朕未解若歸帑項如
何使得若為本省舊例之公用尚可如公用有餘各
員養廉仍當加增方協欽此臣即將

硃批原摺密付與朱綱楊名時看訖時朱綱深以楊名
時為冒昧楊名時惟自認糊塗更無一辭臣復傳

同司道等官宣布

聖恩面加商酌著將通省各屬所得一切羨餘盡數查明具報應歸公者歸公應留給者留給庶不致牽混以滋隱匿今已報齊經臣核算計通省糧條火耗除去解費實餘銀一萬四千七百五十六兩九錢九分八釐五毫稅秋羨餘除去道款實餘銀一萬五千五百五十五兩三錢六分七釐公件銀復行酌定除去攤丁鹽課實餘銀一十一萬六千八

百二兩四錢九釐九毫又據布政使張允隨開報
每年正雜錢糧平頭羨餘銀八千四百餘兩又箇
舊錫廠抽收錫斤并錫票稅銀等項除報部額課
七千一十五兩外每年約餘銀五千餘兩又金廠
除報部課金七十四兩八分外每年約餘金五六
十兩不等又找支馬價每年餘銀一千九百一十
八兩八錢又溢額商稅牙帖廠課等項每年餘銀
二千二百四兩三錢一分零臣查布政使並無別

項自應將正雜平羨餘銀八千四百餘兩存留作
為該司養廉至錫金兩廠羨餘每年約共銀五千
數百兩查各銀廠每年俱有缺額

奏明於鹽餘內撥補足額今應以廠補廠將此錫金
二項羨餘儘收儘抵如有不敷再以鹽餘撥補足
額找支溢額銀兩項共四千一百二十餘兩應歸
入公件之內總作收除又據糧儲道元展成開報
每年稅秋款費存銀四千九百兩折徵坐平銀一

千兩共五千九百兩查糧道只有此項應仍存留
作為該道養廉無庸歸公又據各州縣銷鹽地方
續報出銷鹽羨餘銀一萬二千二百二十兩六錢
八分二釐二毫又黑白琅三井應送節禮歸公銀
三千六百九十六兩仍應照舊起解以上火耗羨
餘公件及布政司開報之戎支溢額各屬報出之
鹽餘并三井節禮通共一十六萬七千一百五十
四兩五錢七分二釐六毫除存留各府州縣辦應

本地方公事銀共三萬五千三百四十八兩三錢一分四釐四毫酌給各官養廉銀兩內布政司有平頭羨餘糧道有款費平餘鹽道有

奏明養廉鎮沅府威遠同知雲龍州恩樂縣俱有鹽餘銀兩普洱通判有徵收秋糧羨餘可以養廉均不議給外雲南等六府前因向有稅規未曾議給養廉今稅規俱已歸公亦應給與養廉自按察司永昌道雲南等府昆陽等州昆明等縣及各府同

知通判併新設地方教佐雜職等官共攤給養廉銀一十萬二千一百四十兩內除保山等九府州縣有鹽內養廉銀三千五百兩外仍應給銀九萬八千六百四十兩又省中各項公費有紙張役食修理衙署資助齋奏顏料差操犒賞部辦飯食以及三年文武科場等項每年應需銀二萬兩仍照原

奏存留尚餘銀一萬三千一百六十六兩二錢五分

八釐二毫應照鹽餘歸公之例存貯司庫應辦地方緊要公事在各官養廉既優裕足用而存辦公事亦寬綽有餘庶餽送之陋規可以永禁而指派之舊弊不至復作矣再臣與撫臣衙門各有

賞給鹽餘養廉銀一萬二千兩應得司款銀三千餘兩護印隨征親丁糧一百分前撫臣朱綱曾照提督例酌減二十分每年共有養廉銀一萬七千兩臣除資助武職賞勞兵丁及一切應用外家口無多

儘足敷用此外如節規稅規等項並無收受合併
陳明除將公費存留并各官養廉銀兩數目另開
清摺恭呈

御覽外伏乞

聖主睿鑒

批示遵行

臣謹

奏

甚屬公當但總督所需甚繁而巡撫養廉過多西安巡

撫養廉亦只萬金滇撫一萬二千兩足矣其餘五千金
添為總督養廉之用可遵旨行此巡撫養廉必揚名時
無恥之議也

雍正六年七月二十一日雲貴總督臣鄂爾泰謹
奏為恭謝

聖恩事雍正六年七月初五日臣齋摺家奴蒙
恩賞給驛馬齋回

御賜臣嵌東珠涼藤冠一頂

御製磁盃一匣共二十四件十錦香囊十匣錦扇四匣
香扇器一匣香手珠二匣鄭宅茶十瓶小種茶六
瓶抵滇臣隨郊迎至署恭設香案望
闕叩頭謝

恩祇領訖敬啓摺扣遍誦

殊批感痛交深喜懼并集伏念人之福分力量原絲毫
不可強然賜福自天求福自己未有能求福而不
蒙福者而力量亦若因之加增彼不能承受者非

天有所吝固自不能求福者也我

皇上至誠至敬心與

天通福壽無量得之自己跪讀損壽折福之喻不禁神惕

骨悚此非

大光明不能作此語非

大徹悟不肯出此語臣即鈍根亦知領會凡百只仰賴

天地神明乃為人之第一良策至哉

寶訓臣當終身誦之只可盡一己之心教之耳大概能聽受并以此教子姪并以此勸廣眾即

者不必教亦能之朕六年來於廷臣日日諄切訓誨亦

不過以此竭綿力而報

殊恩此外固皆餘事也及其愚下之人徒增其驚疑恐怖

未見有改移進益者每念及此實為之嘆息而不解

東總督

諭旨諄詳剴切反覆開示至以臣下之優絀引為

此實出朕五中之論聖躬之功過以各動其良心而生其愧悔從來盜賊亦

知恩義即屬豚魚亦有性情於此而猶不感激奮

勉是直盜賊豚魚之弗如者若復臣與田文鏡或

二卿若非倍加敬慎益勵忠誠致朕豈輕許為天下後

有不倍加敬慎益勵忠誠致

聖主得人之言不驗以為天下口實則臣等即應顯戮

以謝天下蓋

恩深者責愈重賞厚者罰難輕言念及此泪迸汗流敢

祈

但存此念

上天鑒察時示儆誡勿令鄂爾泰增壽減福致有玷辱實

上天必

賜福壽雙增也

所惶悚懇禱者耳為此繕摺恭謝

聖恩伏乞

聖主睿鑒臣謹

奏

覽

同日又

奏為欽奉

聖諭先行陳覆事雍正六年七月初五日蒙

頒發到貴州提督臣楊天縱密陳黔省田賦情弊奏摺

奉

硃批此係楊天縱條奏地方事宜看此奏甚屬可嘉但

其中或有委曲亦未可定卿可詳細酌量與沈廷正
會議料理欽此臣查黔省地方漢夷雜處田地
雖科徵不等而額賦實昔多今減祇緣先遭吳逆
之變民夷棄業逃避及至恢復大半為土司并豪
强者占踞地方官不實力清釐因循怠忽遂相沿
至今臣自到任後即留心體察遣員查訪欺隱者
固多拋荒者亦不少原非止安順一府且有姦狡
之徒於隔府隔屬置買田畝指稱已在本籍完糧

不入該管官正額之內兩地閃躲迨日久莫可稽
查致糧賦均為虛懸又有紳衿衙蠹包攬完納蒙
蔽侵蝕者因而應徵錢糧不能復舊額課有虧臣

念若遽行清丈必致民心惶惑而奉行者稍有不
善又不免擾累且田地統於疆界疆界尚未清田
地何由清理錢糧出於田地田地既未清錢糧何
能清楚況黔省之地半不納課因而墾地成田者
亦匿不陞科種種陋弊臣雖已深知然未敢急迫

清別者如理亂絲法須用緩若不得頭緒反更無
條理早經臣飭諭各屬將互相攙錯地界俱就近
歸併其一切田土只論地不論人如地在某屬者
即在某屬納糧即隸某屬管轄再行詳切開導令
民自首并許人告首一經告首即徹底清丈庶民
既相安而事亦有濟即如滇省之欺隱從前亦舉
首寥寥自臣出示曉以利害并勸開墾遇有告發
即令該地方官或委員查丈現今自首隱射新報

墾荒以及丈出田地每歲約計數十萬畝此可為之徵驗也此事臣檄行黔屬已久且屢經揚言於衆使之聞知料黔省紳衿士庶皆知必事清查難再弊混是以臣前經

奏明欲赴貴州盤查藩庫擬就近料理一切嗣因兼理撫篆未便擅離應俟滇撫臣常賚到任後臣看視月餘即赴黔省與撫臣沈廷正面商妥酌先行各屬將別邑民人置買并豪強隱蔽之田按里逐

一清出分別科則造具實徵細冊歸入正額則應徵之糧賦先可按冊徵收再重出示曉諭凡有欺隱及新墾未曾報官者盡行首報地方官勘丈給照陞科倘不自首委員摘丈將丈多之田入官變價仍治以欺隱之罪照追歷年所收籽粒則從前諸弊自不得不首報亦不敢不首報矣又提臣楊天縱奏稱安順府衙門原有陋規二千四百兩自知府何經文到任盡行革除各廳州縣豈無此等

陋規等語

臣查黔屬府州縣向來俱有私派陋規

前署撫臣石禮哈到任業已通行禁革勒石永遵

安順府之陋規非知府何經文始行革除也前有

石阡府知府趙之堯藉稱公務名色仍違禁私派

雍正四年冬

臣

赴黔訪確隨經糾叅今黔省大小

各官俱議給養廉若再稍存公費使各員日用充

裕則私派陋規自可永行禁絕亦俟

臣

到黔與沈

廷正商酌而行又提

臣

楊天縱奏稱各衙門書役

差催徵收每多勒索諸弊等語

臣

因胥役玩法者

多已屢次嚴行示禁并令提拏究治或尚有藐視
故違者應俟開徵時再通行嚴飭倘敢仍蹈前轍
務須盡法究處則姦胥蠹役自必不敢以身輕試
再民間買賣田地點省陋例從不到官稅契致多
訐告紛爭

臣

已飭令各屬務將買契送官完稅鈐

印以杜假契弊混今春布政司頒發契尾令州縣
官鈐印給業主收執如無契尾即照匿稅治罪之

新例各屬現在遵行是提臣楊天縱請凡置買田地務必赴官稅契之處無容再議除鈔錄原摺密交黔撫臣沈廷正預行籌議外理合據臣所知先行覆

奏伏乞

聖主睿鑒施行臣謹

奏

想皆卿必知之事但閱其奏偶爾發來卿看者朕原無

定見也卿斟酌次第為之

同日又

奏為奏

聞事雍正六年六月三十日准兩廣督臣孔毓珣札開
泗城改土歸流其田土未清人情尚屬未定前經
劉守議詳各款據以具奏今奉

硃批諭旨抄錄奉商應作何料理粵省已詳委左江道
思明府同知土田州岑應祺丈量邊氓夙未經見

前任劉守論白徵收之處未識是否可行等因并錄原奏摺畧內開奉

硃批卿斟酌合宜委令辦理朕不洞知地方情形難以懸諭當與鄂爾泰商酌可也欽此臣查泗城與西隆江北地方議歸黔省若丈量田地恐致滋事當經委員將每年應徵錢糧并隨糧徵納陋規及歷年遇事濫派各項銀兩查明造冊據報應徵糧米計有一千九百六十餘石應徵糧銀僅三千二百一

十兩零除官役俸薪工食等項外不敷放給兵餉
西隆冊亨等四甲半向有破收銀二千四百五兩
零因官無養廉役無工食是以改流後歷任徵收
相沿已久而各甲夷民俱遵循完納應將官役所
得之項革去四百餘兩酌留二千兩歸入正項又
泗城長壩等十七甲半有公議鹽銀乃土官收用
之項若照舊額徵收仍不免苦累應每亭酌留一
半共留銀五千六百六十兩零歸入正額統計合

算新設永豐一州共徵銀一萬八百七十一兩零
共徵米一千九百六十六石零則官俸兵餉并衙
役工食皆已足用又泗城土府藉稱修理衙門名
色每年每亭派銀六十兩共銀七千九百五十兩
今設官安兵應建衙署塘汛營房等項亦暫留一
半銀三千九百七十五兩為修建之費俟修蓋完
日另行裁減其餘濫派各項逐細開列出示永行
禁革以甦民困續又據南籠府知府黃世文詳稱

清查各亭村寨內有水衝荒絕田土無存無可撥

補者共六亭半應徵銀米請予豁免共應免銀四百兩零米七十七石六斗零并免徵收修理衙門銀六十五兩其一百三十五亭應完之銀除俸工兵餉已自有餘恐日後完納維艱徒多積欠每亭再懇量減銀一十一兩二錢四分共減銀一千五百一十七兩零臣又批行准其減免并出示曉諭夷民無不悅服現在飭令造冊詳

題按數徵收茲接奉商酌之

諭旨臣隨將泗城江北原未經丈量係酌照舊時額數徵收以資官兵俸餉胥役工食內有水衝荒絕田土將原徵銀米准予豁免所有土官陋規業盡行禁革夷民安之現俱寧帖在粵屬江南一帶雖措置應有不同然丈量一事似斷不應輕舉緣人心未定遽繩以官法舊主未忘復增以新怨恐非所以便目前計久遠也昨歲奉

命協辦泗城事曾據愚知向粵前撫詳切言之即如重
叅土府提問土目究從前之苛派追既往之賦私
雖事屬應行亦不妨少緩新定地方先務不在此
前據滇黔委員稟莊田等事隨經嚴飭而粵前撫
或未之深思耳茲讀

奏畧如援原任泗城知府劉興第之詳分給岑映翰
存祀并養土官眷口以及族目各役之田等議甚
屬妥協第每白止田二畝約令上稅一兩即為已

茶誰不樂從但不論肥瘠每白概徵銀四錢未免
輕重不一此係遙度之見未知當否等語備札回
覆督臣孔毓珣囑其裁酌而行訖緣係奉

旨著臣商酌之件合行奏

聞伏乞

聖主睿鑒臣謹

奏

甚好是當之極

同日又

奏為報明委員招撫生苗情形事竊照黔省苗獠雜處半多兇頑幸逢

聖世德威遠被中外歸心安順貴陽所屬生苗陸續向化惟黎平之八萬鎮遠之九股以及都勻凱里等處生苗盤踞於黔楚粵三省接壤之間阻隔道路不通聲息以致燒殺刦擄肆行無忌地方官從不敢過問若不乘長寨泗城謬沖等處苗夷懾服之

後即行招撫清理終為邊境之害但各種生苗攙
雜於數郡之中延袤千有餘里其間亦有良頑各
分強弱若不先擇其最頑最強者首加擒治就其
素良素弱者明示撫恤則不足以懾其膽而服其
心恐即逐節為之亦難得要領而坐失機宜貴州
按察使張廣泗素有才畧兼能武事是以臣一面
具摺

奏明一面傳調張廣泗至滇省詳細指示令其帶兵

前往招撫先由都勻凱里次及鎮遠之九股等夷

然後至黎屬之八萬古州收局竣事并行附近各

協營撥發官兵悉聽張廣泗調度臣復發給犒賞

等物並於黔藩司庫撥捐項公費銀一千兩著帶

往備用去後今據張廣泗先後具報於五月十六

日自省起程先抵都勻府酌商機要體察情形有

八寨者乃生苗門戶欲事開通應於此處設畫為

始移知各協營整備官兵預為振揚六月初九日

同都勻營叅將趙文英等帶領撫標官兵暨都勻

漢土官兵前進八寨隘口劄營查八寨周圍約計

一百四五十里共大小一百一十餘寨地勢遼濶

戶口亦繁兼以生苗錯雜而處為都黎通達要區

苗夷出入總隘向係天壩土司所轄曾將該管土

官殺害兩代並未明正其罪惟改歸府轄自改歸

府轄後轉益獷悍莫可控制是以酌議應自此先

為布置隨明白給示差通事齎往曉諭該苗等初

猶觀望復諄切開導即有代理代省等十餘寨俱
赴行營叩見矢願歸誠又有生苗九門長塘等三
十餘寨亦來懇請招安認納糧賦當同文武賞賚
令各安業惟代理等寨相隔一山之楊牌楊堯二
寨在八寨之中恃寨分稍大十二日糾衆持械前
來欲行阻抗當令撫標守備張琰帶漢土官兵馳
往堵擒廣泗復同叅將趙文英帶兵親去督率連
斃十餘苗衆即奔竄至次日遂有牌牙壩固等寨

前來投見並稱彼等為楊牌楊堯脅制附和今已知威悔過其餘大肚小肚七告等數十餘寨於十四五六等日俱相率歸誠又有都勻營所調之獨山汛官兵於十三日自普寧前進八寨會合有交歸羊甲等寨先為楊牌糾約及該員弁領兵前來彼等尚不知楊牌寨已經潰散猶敢堵截隘口肆行阻抗亦被該員弁督率漢土目兵攻殺頑苗八人割其首級連破交歸羊甲等六寨隨有附近交

歸之甲些等十餘寨前來就撫均照前賞賚仍聽
逐一編查戶口定議錢糧造冊詳報至於楊牌等
寨恃強違抗迎敵官兵猶敢阻撓相連各寨並隣
接生苗不許就撫所當嚴加懲創但倡謀糾集者
楊牌則係頭人阿舍阿乜阿米等楊堯則係頭人
方金抱牙等不獨此外各寨多係畏勢脅從即其
本寨亦被壓制附和今該二寨巢穴已空復移八
寨適中之斗魁劄營有楊牌楊堯之人懇求招撫

隨諭將倡謀首犯獻出餘人方准寬宥俟其回覆
酌量安置又八寨之傍有無管生苗各寨俱已傾
心歸撫獨有番仰番扛大小十一寨既係生苗尤
恃險固平日燒殺刦擄無惡不為茲官兵經臨自
知孽不可逭將家口衣食先行藏匿惟餘丁壯看
守巢穴遣人招諭至再彼等藐玩不從愈肆驕悍
隨令都勻營所調麻哈汛官兵密飭麻哈州麻哈
汛千總帶領于十八日攻番仰一路又令守備張

琿帶撫標官兵攻番扛一路廣泗同叅將趙文英
帶兵前詣適中要隘督率聲援而該苗等逞兇拒
敵官兵奮力撲攻或殺或擒燬其巢穴其餘黨類
不能抵禦俱各逃逸遂行躡探該寨之人亦有悔
罪求生者查番仰番扛等寨所居外面形勢之險
甚於長寨之谷隆打壤而其內地又稍寬展故敢
盤踞肆行毫無顧忌今經官兵懲創附近生熟苗
寨莫不歡忻此等餘孽似難寬宥而貽養癰容俟

從長酌議於此處或安設防汛或招集漢民庶得
填實以為長便所有八寨等處投誠苗民共大小
一百一十餘寨計一千八百餘戶又就撫生苗共
大小四十五寨計一千二百餘戶週圍地界約計
二百六七十里局面已定六月二十一日准凱里
營都司羅資袞等移稱自凱起程至烏留坡頂駐
劄查烏留乃無管野苗係丹江挑繞高坡鷄講上
下九股一帶地方門戶應於此處先行化誨十七

日前至烏留該寨兇苗約有一百餘戶不遵化誨
糾合丹江等處兇苗千餘人披戴盔甲拋刀吶喊
前來對敵本職等當遣官兵分路迎敵三路夾攻
兇苗大敗直抵該寨收兵駐劄對門山上相機招
撫而兇苗復集夷衆環繞營盤施放鎗礮十八日
天明有丹江兇苗統率千餘人各執鎗礮蜂擁前
來當即分遣千把隊目帶領兵丁本職等親身督
率四面迎敵傷死數苗羣苗奔潰是日申時分兇

苗復又糾集千衆鳴鑼呐喊而來又經傷死數名

十九日仍來迎敵本職等率兵分為三路追殺自

已至酉傷死兇苗六名帶傷而逃者不計其數現

在募差苗頭前往各寨化誨各等情到

臣臣

查苗

獍情狀初似兇猛然大率烏合之衆志氣不一始

銳中懈攻擊甚易我軍對壘時起初不可輕敵到

交敵時則斷不可輕縱務用全力以搏小醜但殺

傷賊數人則數千人皆無鬪志然後乘機速進剿

撫並行喪其膽招其心此破竹之勢無不應手若
見其橫肆少存畏疑因其渙散又復急緩則斷無
有克濟者隨又詳細批行各員遵照去訖料此時
張廣泗等已前進鎮遠八月中即可抵古州料理
矣所有委員招撫生苗情形合先

奏報再安順一帶直抵粵境生苗除前已化出五百
三十九寨節次造冊具

題外近又據副將劉成謨等陸續化出生苗一百餘

寨現在清查戶口俟造冊至日

題報合併奏

聞伏乞

聖主睿鑒

訓示遵行

臣謹

奏

朕見張廣泗初進苗地其敬奉之景似只用撫而不須
威力者今既用兵威撫取則善後事宜更當謹慎為之

凡新定地方利之一字萬不可與較錢糧二字萬不可惜勿因小而誤大切諭切諭

同日又

奏為

奏報添派官兵會剿川夷事竊照米貼逆賊擒剿已盡犯婦陸氏等業經解省發審止助惡土司德昌等數賊逃遁川省各土司所轄地方應川員會兵擒拏并將不法蠻夷剿除故酌量存留滇黔官兵

分駐堵禦餘俱撤回經臣具疏

題明在案續據元江府知府遲維璽等審據陸氏供
殺官殺兵都是黃螂土司德昌同立之戶吞募期
虐虐屋基母機水牛母雞們做的事印是募期虐
虐送與小的小的不要他與募期阿破就背了投
雷波司楊明義那裏去了等語申報前來隨將供
出人犯照行建昌永寧等鎮協按名擒拏解報去
後七月初十日據遊擊康世顯驗准四川遊擊許

連科鄂世威沈國卿聯銜報稱賊首屋基母機藏匿結覺寨內奉文飭令擒拏隨於五月二十三日在以密哥會商三路分進約於六月初六日齊集勦洗三路官兵按期會合適結覺雙尺已遵建昌鎮化誨悔罪投誠於初五日擒出屋基母機之父阿加弟怕虐至行營投獻初九日據夷人阿太稟報屋基母機在結覺後山高岩石洞之內即遣發漢夷兵丁攻打上岩擒捉亂鎗刺死梟下首級怕

虐跳岩而死亦將首級割下所有屋基母機首級并怕虐首級二顆并伊父阿加哇子阿果屋逆合差目兵押解等情呈報到臣隨將屋基母機怕虐首級發按察司懸示并令該司將阿加等收禁並審又據遊擊康世顯驗報准四川提標遊擊王谷宰移開審據犯屬阿家供德昌在大毛灘慙家地方隨撥派官兵前往圍擒於七月初六日土司安永長同官兵將德昌弟兄二人拏獲所有幫兵拒

敵與雲南副將印信俟審明另移合先咨會等情
轉報到臣七月十六日准陝督臣岳鍾琪咨開准
兵部咨內閣鈔出奉

上諭據岳鍾琪黃廷桂奏稱米貼逆夷陸氏已經擒獲
餘黨搜捕指日可竣其四川雷波土司楊明義從前
私遣部落幫助陸氏今又剽奪糧運傷害兵丁並誘
結附近結覺阿路阿照平底等處苗蠻聚衆妄行罪
惡顯著再吞都千戶德昌私助陸氏土兵與官兵公

然對敵甚為狂悖均屬不法應請用兵勦除以安輯
苗地等語烏蒙等處兇苗抗拒官兵該督等遣兵進
勦今已悉就擒獲而楊明義等當陸氏潛匿之時輒
敢朋比隱藏今又刦糧聚衆誠為法所難宥但用兵
關係緊要必須武職大臣統轄方為妥協著提督黃
廷桂即帶領會勦米貼漢土官兵檄委將弁會期前
往仍飭副將張瑛嚴行防範相機擒勦著總兵張耀
祖帶領滇黔官兵分路堵截使賊苗四面受敵勿致

竄逸著總督岳鍾琪雲南總督鄂爾泰飭總兵趙儒

於涼山相通阿路各處嚴加防範再飭總兵張耀祖

於各要路委弁巡緝遇有逃逆即行擒解黃廷桂著

賞銀五千兩張耀祖著賞銀五千兩為二人行軍賞

需之用俱於四川司庫內動用支給此番用兵係川

省地方之事進退機宜著張耀祖等聽黃廷桂節制

調遣特諭欽此移咨到臣即經移行張耀祖等遵照

去訖該臣查得川省賊蠻猖獗皆由土千戶德昌

幫兵助惡雷波土司楊明義等私遣部落奪糧殺
兵勾連結覺等處苗夷肆行不法所致前據永寧
協副將張瑛報稱訊據楊明義部夷供明義在營
逃脫時別確落葉等連夜往涼山調四千蠻兵到
哩立格聞明義已回纔轉去等語是楊明義與部
夷平日潛通涼山夷賊私結黨援悖逆顯著續滇
黔官兵已將米貼掃靖張耀祖哈元生分領官兵
直入川界五六百里攻搗巢穴擒斬殆盡而川省

官兵並未殺一賊拏一犯且約定會合日期亦不能到及經張瑛檄行查問據報遊擊許連科沈國卿覆稱賊蠻殺死塘丁已將索橋砍斷並無渡處欲轉路前進賊蠻截糧阻路又有滾木擂石且接壤涼山路口繁多即或至彼兵單亦是無益等語臣屢見張瑛驗報大有奮憤之意是川省官兵非得大臣統轄實難望其濟事者也茲伏讀

上諭著提督黃廷桂帶領調遣著飭總兵趙儒於涼山

相通阿路各處嚴加防範仰見

睿照無遺已握機要以全力擊小醜何向不克在臣初

意德昌巢穴業經破毀即便逃匿料不日就擒止

為楊明義一犯川兵已有數千足資攻剿且烏蒙

鎮應設官兵

臣

准部文後即檄撥速往足資防範

故於煙瘴正盛之時官兵勞苦之後除該鎮額兵

外仍酌留官兵九百餘員名分駐米貼屋基令於

沿江隘口嚴加堵防其餘暫令撤回若因涼山一

帶原未輸誠應乘此大舉以圖久遠寧謚則諒非
數月可以成功臣原欲待至深秋煙瘴盡消夷人
稻穀將熟隨即選調將弁添撥生力軍剋期前進
三省合攻務期竣事前於七月初間准川督提臣
咨會云川省派漢土官兵八千餘名提臣黃廷桂
擬親領征勦業經具

奏臣隨密調附近漢土官兵除烏蒙鎮兵外共三千
名在營聽候計陸續起程及至會齊則已八月盡

矣提督

臣

黃廷桂英銳慷爽總兵

臣

張耀祖勇敢

老成同心協力自必可能濟事也抑臣更有陳者

苗蠻生性畏威而不懷德由來已久若不加懲治

轉不妨姑容但一動官軍則斷難少縱或大兵雲

集勢不可當彼則狡稱投誠遂予招撫終難善後

據

臣

愚見勦應先撫佐之即便准撫亦必親臨其

地大張軍威擒其渠魁寬其附從庶知有可畏然

後知有可懷倘中事而還得半而止夷情反覆料

不旋踵如烏蒙之米貼原未經攻勦建昌之涼山
亦惟事招撫故致有此舉即可為前鑒臣本不諳
軍旅未敢臆度然凡有愚知斷不敢少有不盡之
詞以負我

聖主忠誠之訓所有添派官兵會勦川夷情由合併摺
奏伏乞

聖主睿鑒

訓示施行臣謹

奏

朕先未料米貼事完結如此之速亦未知滇黔兵已撤之信因有前諭原為兵勢衆多更易擒捕之意後知張耀祖等撤兵又有旨不必用滇黔官兵合剿矣想後諭已到卿等自然遵行若少有疑慮當令兩省助力亦可此在卿相度機宜而為之觀其情勢川省之兵力足可靖其餘孽也

同日又

奏為報明粵西土目拒殺官兵情形事竊照廣西
隆州八達寨惡目顏光色等不法提臣田畯等發
兵勦捕不能擒獲并臣調撥弁兵堵禦協擒緣由
業經具

奏在案近探得粵西官兵向未經訓練半多臨陣畏
縮而右江鎮之兵又係新募不諳紀律顏光色等
前用緩軍計堅築礮臺預備已久且其寨坐落高
處路止一條週圍板墻下挑深渠人站渠內向外

打鎗外邊鎗礮俱不能打著賊人又於寨外路上
安小囤子二處遍挿竹簽並掘陷坑官兵屢次攻
打不得前進六月二十一日粵省官兵攻打第一
囤子被土賊竹簽亂扎標子亂打傷死千總一員
兵數十名受傷者百餘人又活捉去兵三名用繃
子繃住手脚衆惡在山頂坐地飲酒吹號鳴鑼將
兵鎗刺箭射以示威勇從此四處土人皆與顏光
色寨內挑米挑物供應不絕因該寨後路通滇之

廣南顏光色等慮及廣南官兵於六月二十六日
又添設礮臺二座以阻廣南之路惡焰甚熾前右
江總兵官段宗岳移會安籠鎮廣南營府發兵會
勦臣據鎮府具報業檄飭廣羅協廣南營各撥精
銳兵二百名令幹練弁員率領照會安籠總兵官
蔡成貴調該鎮標遊擊田昌友帶守備一員千把
總四員兵丁四百名土兵三百名各赴八達軍前
會勦并令酌調安南普安盤江等營兵共三百名

到安籠聽用今於七月十五日又據廣南府知府

賈秉臣稟稱聞段總鎮於七月初三日又同西隆

州西林縣土田州帶領漢土官兵去打國子土兵

不肯前進漢兵正欲前行見顏光色寨外坡上有

漢人指點對敵礮臺上有土婆子三人身穿艷色

新衣手擎五色布搖擺官兵昏迷回頭奔走國內

之賊趕下傷兵七八十名西隆州之泥碇寨已投

歸光色反攻漢兵段總鎮差人齎文前來請撥土

目陸尚貴多帶土兵前往接應可否撥往等情經
臣立即批令遣發訖七月十七日始據段宗岳以
賊計狡猾早踞險要粵兵疲弱反被傷害若請兩
廣督院發兵有需時日請就近添發官兵土勇四
面圍攻協力進剿臣復飛行廣羅協廣南營速即
添撥官兵帶領大礮并於廣西府派五槽土兵數
百名於廣南府撥土兵數百名著該副將酌派備
弁帶領前往堵截應援再照會安籠鎮令其添派

漢土官兵籌畫定計務滅兇夷以靖隣界訖今廣

南官兵早於各要隘堵截安籠官兵已於七月初

四日抵八達軍前

臣

查粵西惡目豈止一顏光色

而官兵疲弱亦並不止右江因循廢弛日久日深

實不能為之諱

豈止二千已

據奏聞

撥派漢土官兵

兵至

九千餘矣

並不能過一因使醜類狂逞狡夷附從若再不知

憤奮誓滅此朝食則羣兇效尤更何所顧忌言念

及此不勝痛恨在

臣

職任滇黔原不應干預粵事

但事有緩急何敢岐視且受

恩深重無有如臣者嫌疑彼此之際固非所計也至於
五色布旛夷人謂之五海術雲南元江等處亦多
有之一遇官兵奮勇則並不見靈驗搖擺昏迷之
說似屬畏縮者之藉口料亦非實事俟看續報到
日是如何情形另行調遣外所有惡目拒殺官兵
情形合再奏

聞伏乞

聖主睿鑒施行臣謹

奏

提督田畯又親往矣但廣西兵將業已氣餒田畯亦係中材料此事伊等未必能成功卿當身任料理有何分疆界之嫌疑也賊衆經此一番必然氣盛諸凡不可輕視所調進取將弁務令慎重從事可也

同日又

奏為請

旨事竊照烏蒙鎮雄改土歸流經

臣

請設鎮營將援勦

左右兩協官兵裁撥烏蒙并將威寧一鎮改營所
餘官兵移駐鎮雄奉

旨依議欽遵在案今據烏蒙鎮總兵官劉起元以各兵
安土重遷請照遷撥新設維西營千把兵丁搬移
賞給事例一例議給

臣

查維西新營係奉

特旨前往駐劄之兵俱離本處移駐邊遠地方伊等搬
移家屬等項不可念及節省錢糧著甚豐裕施恩前

往欽此欽遵是以酌議千總每員賞銀六十兩把總

每員賞銀四十兩到維西兵丁每名賞銀八兩家

口十五歲以上每名賞銀三兩十五歲以下每名

賞銀二兩到中甸奔子攔阿墩子等處兵丁家口

又各遞加賞給原較從前兩協官兵移駐景蒙營

賞給之例為甚豐裕然維西一區雖處極邊而夷

人歸化既久漢民俱各安堵比之新闢烏蒙地方

既屬荒涼且連經進剿疲敝愈甚一切艱難實有

倍於維西者相應懇祈

聖恩

特降諭旨准照遷往維西兵丁之例著臣酌量遠近分別賞給則官兵家口咸沐

皇仁於無既矣臣未敢擅便恭摺請旨伏乞

聖主睿鑒施行臣謹

奏

所奏甚是已有旨矣

硃批諭旨卷一百二十五之七



總校官庶吉士臣侍朝

校對官編修臣莫瞻菴

謄錄監生臣張槎